

Resp 35341-2/2

LAS PASQUOS

D'UNO

BIERJO MARTYRO

PER M. DAVEAU.



TOULOUSO,
IMPRIMARIO DE BONNAL ET GIBRAC,
Carriéro de Sent-Roumo, 46.

1848.


22-10-22

LAS PASADAS

LA PASADAS

BIENNO MARTIRO

PER N. DAVALL



TOBACCO

IMPRESARIO DE ROSA Y EL GIGAS

Impreso de Rosales

1818

LAS PASQUOS

D'UNO BIERJO MARTYRO.

CANT PRUMIÈ.

I.

Ero pel més d'abril bagnat dé marsescados ,
Lé cel ero embrumat , lé soulel triste et gai
Glisabo , en lerméjan sous rayons sur las prados,
Et dé las flous das camps , las frescos halénados
Nous pourtaboun lé mes dé maï.

Léou , lé soulel pus biou casset dé sous esclairés
Lés brumaches d'abril , amé sous jouns pleijairés ;
Tout sé rébiscoulet , sus lés mouns , aichi-bas ;
Margadidos , muguets , pounpouns d'or , accasias ,
Pertout oun fan passa serpos , bigos , araïrés ,
Pertout oun fan mounta l'ençes sur lés aoutas ,
La douço flaïro das lilas ,
Amé l'aoudou das fénètras ,
Coumo'n parfum dé Dious , embaoumaboun les aïrés.

Eren as jours das festanals :
Les maïs fasion blanqui las brandos
Luzentos coumo dé mirals.
Puros coumo las aïgos candos ,
Dé filletos à béllos bandos ,
Pel campestre, pes coumunals,
Cégoun, à bélis dabantals,
Dé flours, dé bouquets, dé guirlandos,
Per né flouca lés sants oustals ;

Et lëou dal flan das mounts, oun soun escampillados,
Déçendoun, en cantan, dos en dos, bes las prados.
Cantats, bierjos, cantats, en acampan dé flours,
Trop lëou bostres plasés sé cambiaran en plours....

Uno d'ellos pourtant sé mostro pus hurouso ;
Blanquo coumo la flour qué brillo dins sa ma ,
Qu'es graciouso, qu'es amistouso,

Mes perqué doune es tant jouyouso ?
Cequé fa sas pasquos déma !...

Et pleno de bounhur soun amo s'illumino ,

Nostre-Ségné soul la doumino ,
Dema beïra luzi dé sous jours lé pus bel ,
Dema quand sounara l'houro d'al sacrifici ,

Beoura dins lé mémo Calici

Oun soun Dious a bégut lé fel :

Sa courouno sara d'ourtits et dé bartasses.

Paouro fillo ! un abimé es oubert jox sous passes ,

Y passara per mounta'l cel.

Mais déjà la cego flourado
Es sus aoutas dé la Daourado ;
Marguilleros et marguillés,
Benoun rempli lés bouquetiers,
Et las débotos doumaïselos,
Dé flours glaoufissoun las capelos,
Lé chor, lé trône, amaï l'aouta,
Per la festo d'al l'endema.

L'aouta lé maï présat és lé dé Nostro-Damo,
Las fillos y benoun d'arreu
Faire un pur bouquet dé leur amo,
Et Cécilo a pourtat le seou.
Per aquesto, achi-bas, tout és soumbéré mystéri,
Et sas joyos et sas affectious ;
Bei sara la nobio dé Dious,
Et dema... morto al Cementeri !
Déma, quand lés rayouns dal soulel lusiran,
Pes toubels ount la mort nous daïcho,
Tristes beïren passa sa caïcho.
Dé coungrégatiouns en plouran,
Jusqu'os al clot la séguiran,
Al miech d'uno foulo indignado,
Et sur sa fi, paouro maïnado,
Toutes las maïrés frémiran !...

Lé lendema matis, quand l'albo blanquéjabo,
Sus rideous de dous finestrous,

Une fillo dé génouillous ,
As pes dé la bierjo prégado ,
Am un aïre tout piétadous.

Bouno maïré dé Dious, escouto sa prégaïro ,
Jamaï lé ben dal mal , sur soun front , n'es passat ,
Simplo coumo la flour dal prat ,
Soun amo n'a gardat la flaïro
Et tout soun cé l n'es embaoumat !...

Té demando pourtant un perdou per sas faoutos ;
Per sas faoutos , moun Dious, n'a pas jamaï pécat ,
Uno larmo d'amour rédolo sur sas gaoutos ,

Bouno maïre dé Dious, piétat !
Aoutan blanquo qué sa courouno ,
Soun amo entièro à tu se douno ;
Casso len d'élo lé malhur ,

Faï qué sous ans , sous jours , sas houros ,
Sembloun lé lys qué las pastouros
Cullissoun al bord d'un riou pur.

Mais une boues l'y dits : qu'as ma Cécilo, plouros ?

Eh ! ma maïre, aquos de bounhur !

Et la maïre alabets dins sous brasses la sarro.

Paouro fenno, es len dé pensa
Al cop affrous qué déjà sé préparo :
Entièro al bounhur dé l'aïma ,
La graciouso , la poutounéjo ;
Dins sous els lé plasé laouséjo ,
Et sé dits tout douçomentet :

Oh ! qu'es pla coumo quo , ma fillo , res n'y manquo :
Soun bel fichu, sa raoubo blanquo ,
Sa crouts d'argen, soun chapelet ,
Et soun sourire d'angelet.

Oh ! ques pla coumo quo , ségur n'a res a crégné ,
Dious l'esclairo dé soun soulel ;
Qué la crouts qué porto l'enségné ,
Qué , la qué biou per Nostre-Ségné ,
Soulo es digno d'approcha d'el.

A las joyos d'amoun, ma fillo, bas attégné ;
Lëou le poutet d'adiou sur sas gaoutos tindet :
Aquel ero belëou lé darnier qu'i fasquet !...

Oh ! qui pouyo senti lé bounhur d'uno maïre ,
Et les rèbes daourats qu'aquel bounhur fa faire ;
Aquesto cependant n'a faï un dé cruel.....
Al miech d'aquelo neït sé troublet soun cerbel ,
Car, despeï lé matis, sa Cécilo énanado,
Loungtens aban lé jour nou sera pas moustrado ;
Cado houro qué passabo ero un affrous tourmen ,
Et la maïre toujours plourabo en l'attenden...
Oh terrou !... tout d'un cop y la fan bézé morto.....
Sa rasou s'énanet ; mais lëou daban sous els ,
Al mitan d'un brumat d'Angels ,
Dins les plets dé sa raoubo une bierjo l'emporto ,
Et d'un aïré amistous la graciosan dé l'el ,
Li disio : ploures pas, ta fillo mounto à cel ;
Bendra té counsoula dins tas tristos pensados.
Et la maïre toujours plourabo.... Mais apeï ,

Un bel jour luzisquet al mitan de sa neït :
Dins soun rèbe béjet dé santos troupelados ,
Entendet amoun-naout , dé jouyousos albados ,
Et Cécilo , la santo , entounet
Un cantiquo , qu'en chor tout lé cel répétet !...
Et talèou dins sas mas blanquéjet la courouno ,
Qu'à Cécilo dounet , la célesto patrouno .

II.

Rèbe dous et cruel , trop lèou réalisat.
Abant qu'un ben dé mort nous porté la bertat ,
Asisten un moumen à la messo pascalo ;
Déjà lé Sant Esprit flouréjo dé soun alo
Lé tabernaclé sant , oun , Dious plé dé bountat ,
Fa raija les perdous , dé soun cor esquissat ,
Coumo lé jour qu'en crouts , mourisquet sul Calbèro ,
Per laba dé soun sang lés pécats dé la terro .

Tout l'entouro d'adouratiours ,
Tout aïchi-tal respiro Dious :
Dé las capelos las reliquos ,
Dé las bierjos lés sants cantiquos ,
Das ençensies douçés parfums ,
Das aoutas les millès dé luns ,
La bouës dé l'orgué qué brounzino
Nostré amour en lenguo dibino .

Tout respiro aïchi-tal, la douço patx das cors ;
Lé cel s'alando maï, et la bido es sans bords !...

Apeï coumo'n troupel d'Angetos
Qu'un pintre met dins un tablëou ,
Dos bellos rengos dé filletos ,
Cent cops pus blanquos qué la nëou ,
Nouïridos cado jour dal pa dé la paraoulo ,
Sé plaçoun à la Santo Taoulo ;
Et Cécilo coumo'n agnel ,

Qu'an caousit per faire uno ouffrando ,
S'abanço , la figuro cando ,
Per préné soun répaïch dal cel !...
En la bezen, moun amo plouro :
Bel lys nascut à la mal-houro ,
Saras flétrit pel ben d'aouta ,
Mais aban qu'aquel ben t'arruqué ,
Aban qué l'ouragan té truqué ,
Dal boun Dious parfumo l'aouta.

Dins lé mème moumen l'orgué fasquet entendre
Un cant tant piétadous et tendré ,
Qué lé cor s'endoulourisquet ;
Lé sant mystéri coumencet ,
Dins lé Calici d'or lé sang dal Chrits raijabo ,
Cécilo alors s'aginouillet.

Déjà l'albo dé Dious per ello claréjabo ;
La joyo des Angels sur soun froun daouréjabo ,
La mort d'un sinné la marquet ;
La douço bierjo coumugnet ,
Et la bouës dé l'orgué plourabo.....

CANT SEGOUN.

Fa négro dins lé cel , pla négro , plabinéjo ;
L'aïre fioulo en passant sus morts , la neït es fréjo ;

La flour primaïgo dal printens ,

S'arruquo jouts lés cops dal ben ;

La bilo sé coubrits d'un horrible mystéri;...

As pes dé Sant-Albi , dins lé biel cémentéri ,

Escourtat per la poou que le ten bourrelat ,

Un homme , un assassin , dins l'escur s'es glissat ;

Pallé coumo la mort qué l'y serbits dé guido ,

Ben dé paousa pel sol un cos beousé dé bido.

La neïtgardo toujours un silenço proufoun :

Pas un el nou l'a bist... excéptat lé d'amoun!...

Dins lé même moumen s'escapan d'un brumaché ,

La luno , tout un cop , esclairo soun bisaché.

Disoun qu'à soun aspec, sasido dé frayou ,

Dins lé founsé dal cel , s'amaguet dé terrou ,

Et qu'al cric dé doulou qué courrisquet dins l'aïre ,

Sul matis , en plen jour , lé cel s'escursisquet ,

Et sul sé tramblant dé lour maire

Maï d'uno fillo sé sarret!...

Oh cé qu'à quello mort pel démoun trabexado ,

A daïchat pla lountens Toulouso espoubentado ;

Sans douté qu'alabex l'enfer descadénat ,

Dins l'amo d'un maoudit buffet soun foc dannat ;

Car ço qué sé passet dins aquelo neït soubro,
Tout ço qu'on pot réba d'hourrible , fait dins l'oumbro ,
Tout ço qu'enfin lé crimé a fourjat dé pus let ,
A la faço dé Dious , un hommé ba fasquet.
Res, res nou l'arrestet, crits, plours, sanglots, prégarious ;
Tout ço qué la bertut douno dé santos flâïros ,
Tout ço qué l'on respiro amé l'aire dal cel ,
N'arresteroum la ma d'aquel homme cruel.
Hourrou ! cent cops hourrou ! sus el et sus soun crime,
De l'enfer jouts sas mas s'agrandisquet l'abime.
Aquel jour dins lé cel la bierjo sé bouëlet ,
Et l'anjo dé Cécilo as pes dé Dious plouret !...

Oh ! traset-lo dé ma pensado ,

Et qu'un dol éternel coubrisquo aquel tableou ;

Mous els la bézoun d'égarado ,

Toumba pel sol , aginouillado ,

Demanda graço à soun bourreou...

Et digus , dé sas mas , digus nou ben la traïre.

Ount eres alabex , trop malhurouso maire ,

Ount eres , quand toun rèbé affrous s'accoumplissio ?

Soulo dins soun crambot , en gémissen disio :

Oh qué la neït es négro !... encaro es pas bengudo....

Bernat démoro pla... Moun Dious séro perdudo !.....

Res nou poulsio d'enloc , soun fréjo coumo glas...

Sul matis la Daourado a sounat un lounng clas ,

Touto la neït lé ben a gémit à la porto ,

Coumo uno bouës qué dits : maire , ta fillo es morto !...

Qué souffrissi , moun Dious ; encaro es pas tournat...

Apei quand sul matis lé soulel s'es lébat ,

Pus tristé qu'à la coustumado ,
Qu'an bist Cécilo assassinado ,
Et qué lé bruch d'aquel trespas ,
Dé la billo a courrit sus mounts et sus la plano ,
Coumo lé clas d'uno campano ,
Jettan l'alarmo à cado pas ,
La mairé soulo ba crei pas ;
Saoura soun malhur la darnièro .
L'an bisto plan lountens dé carrièro en carrièro ,
Coumo qualqu'us dé fol rouda ,
A cado passan demanda
Si l'an pas bisto en loc , sus quais , bes la ribièro .
Cadun en la bésen , toucat dé sa doulou ,
Sé disio tristomen : à perdu la rasou !...
Quand l'affrouso bertat , dins soun amo espaourido ,
Dintret déjouts lé cop qué bégno d'endura ,
Sentisquet soun cor sé sarra ;
Mais soun el fousquet sec , coumo'n amo sans bido :
Uno trop grando péno empacho dé ploura...
Et despei l'amo endoulourido ,
Dins soun crambot , dé sa fillo abëousat ,
Soun régard démore estaquat
Sur la raoubo blanquo expandido
Et sus la crouts d'argen qué Cécilo à pourtat ;
Lé christ , lé chapelet , lé libré dé cantiquos ,
Et lé més dé Marie , pietadousos réliques ,
Qui fan milhou pourta lé pes dé l'affliction ,
Et la fan bioure encaro amel secours dé Diou .

Dous ou très jours après, dins toutes las carrièros ,

An bist dé croutses , dé banièros ;

An bist uno caïcho passa.

Dal miech dé las roumets un bel lys blanquéjabo.

Un paire seguissio la caïcho et sangloutabo ,

Et bésion tristoment bes lé clot s'abança ,

Parti das quais , das pounts et dé las prouménados ,

Dé lounguós proucessious dé fillos emblanquados.

As pes dé Sant-Albi l'enterromen passet :

Aquel loc rebeillet uno négro pensado ,

Cécilo aqui fousquet troubado !...

Et quiquon alabets d'éstrangé sé passet.....

Qué dé maires alors préguèroun ,

Mais les *paters* qué sé diguèroun,

Dious soul amoun les entendet.

La foulo , paouc à paouc , lantoment s'abançabo :

Souben , dé leng en leng , la caïcho s'arrestabo

Jouts las flours qu'i bégnon jetta,

Et lé pairé toujours fasio qué sanglouta !...

Soun cor endoulourit tégnó pas à la terro :

Es arribat enfin à soun doulen Calbero ,

Al clot ount sas doulous finiran pas jamai.

Mais , si Nostré-Ségné té trai

Ta fillo , paouré paire , un soubéni té resto ,

Regardo bes lé cel , bei , las anjos fan festo

Per récébré un anjo dé mai.

DOS MESADOS APRES.

D'aquel crimé loungtens l'amo pléno, esquissado,
Al cementèri naout fasio la passéjado ;
 Béjéri'n clot coubert dé flours,
 La terro fresquo boulégado ;
 Et, jouts un délobit dé plours,
 La peiro encaro ero bagnado.
Uno fenno ero aqui ramplido d'afflictious,
Coumo la Mataleno al jardin das Oulious.
Dé sas bibos doulous res nou pot la distraire :
Es as pes d'un toumbel qué ten sas affectious,
Sa bouquo dits un noun ; aquos tu, paouro maire,
Qu'embrassabés la crouts, et qué prégabés Dious!...



275